

卷五百十六

新疆統部

卷五百十七

伊犁

嘉慶重修一統志

百九十

西域新疆全圖

甘肅界

甘肅界


界斯羅俄



右名薩克界



西藏西



西陵界

新疆統部表

部回	部爾噶準	秦
城郭三十于闐龜茲 六國都護諸國地 所治後漢 為城郭五 十餘國都 護長吏所 治	東境匈奴烏孫國及 右部地西鮮卑西部 境烏孫國地 境	兩漢
		三國
		晉
		南北朝
鄯善于闐于闐龜茲 龜茲疏勒諸國地	北魏蠕蠕突厥鐵勒 烏孫悅般西突厥地 高車諸國 地後周突 厥鐵勒地	隋
府龜茲于闐南徙據 開疏勒馬其地 書四鎮地 後沒吐蕃	北庭都護入於回鶻 府及突厥 沙陀回鶻 西突厥諸 部地	唐
		五代
		宋
		元
世祖置哈巴什伯里 喇和卓宣華爾羌土 縣司後屬魯番諸回 部里特穆部	阿爾穆爾 諸地世祖 時屬巴什 伯里宣慰 司後屬部 哩特穆爾	明

[illegible]

大清一統志

新疆統部

東至喀爾喀。南及西藏。北至俄羅斯。西至右哈薩克。及

左右哈

薩克。東至甘肅。南及拉薩。北至俄羅。西至

達瓦山

界。東至甘肅。南及拉薩。北至俄羅。西至

至石哈

薩克。東至甘肅。南及拉薩。北至俄羅。西至

南為回

部。統轄天山南北事務。將軍駐劄伊犁。至

八
百
二
十
萬
里

建置沿革古為雍州外地。前漢武帝時。始通西域。自

天山以南。為城郭三十六國地。東接玉門陽關。西

至蔥嶺。南北有大山。河流其中。設都護治烏壘城。

統轄諸國。自天山以北。東境為匈奴右部地。西境

為烏孫國地。後漢時。山北仍為烏孫國。及匈奴地。

山南分為五十餘國。設都護及長史以統之。三國及晉北為烏孫。及鮮卑西部地。南仍為于闐龜茲諸國地。北魏時。北為蠕蠕。烏孫。悅般。高車諸國地。後周為突厥鐵勒地。其南則鄯善。盛大。服屬諸國焉。隋為突厥鐵勒。西突厥地。南仍為于闐龜茲諸國地。唐為西突厥。沙陀。回鶻諸部。置北庭大都護府。以防制北路。其南諸國。置安西大都護府於龜茲。統龜茲。于闐。疏勒。焉耆四鎮。以控禦吐蕃。中葉後。四鎮為吐蕃所有。唐末。回鶻徙居北庭。五代至宋。回鶻又兼取西州諸城。服屬於遼。元初。回鶻首

先歸順。憲宗置三行尚書省。西域居二。蔥嶺以東。

屬巴什伯里行尚書省。世祖時。西北諸王多叛。天

山南北設兩宣慰司。北則巴什伯里。舊作別失八里。今改正。

南則哈喇和卓。後為都哩特穆爾地。舊作篤來帖木兒。今改正。

明山北為衛拉特。舊作瓦剌。今改正。元臣脫懽之後。四衛

拉特世居之。山南為巴什伯里葉爾羌。舊作葉爾欽。今改正。

土魯番諸國。

本朝龍興。元代後裔之分處東北者。並久隸版章。世

為臣僕。惟準噶爾厄魯特四部。盤踞西北。噶爾丹

吞噬鄰屬。闌入北塞。

聖祖仁皇帝三臨朔漠。翦滅其衆。北土奠平。其姪策妄阿

拉布坦收其遺孽。遁保伊犁。傳子噶爾丹策凌。興

師侵服山南之回部。執其酋長。收其租賦。傳子策

妄多爾濟那木札爾。肆行殘暴。喇嘛達爾札執而

篡之。策妄之再從姪孫達瓦齊。又篡奪其位。凶殘

益甚。衆部落不堪命。乾隆十八年冬。杜爾伯特舊作

都爾伯特台吉車凌舊作策凌等。率數萬人來歸。今改正。

十九年秋。輝特台吉阿睦爾撒納和碩特台吉班

珠爾等。又率衆來歸。羣請興師問罪。二十年二月。

高宗純皇帝特命兩將軍率師啓行。衆鄂拓克迎降。五月。

至伊犁。達瓦齊潰走。回人阿奇木霍集斯伯克執以獻。準噶爾平。六月。阿睦爾撒納覬為總台吉。不遂。煽其衆以叛。將軍策楞以兵勦之。阿逆奔哈薩克。準部諸台吉相繼作亂。二十二年。將軍兆惠。副將軍富德。分路進討。哈薩克歸順。阿逆奔俄羅斯。旋伏冥誅。俄羅斯驛致其屍以獻。伊犁復定。初。回酋波羅泥都霍集占。久為準噶爾所執。及我兵平伊犁。釋其縛。遣波羅泥都歸葉爾羌城。統其舊屬。令霍集占居伊犁。撫領回衆。未幾。背恩從逆。竄歸舊穴。煽動回衆作亂。乾隆二十三年。我兵進討之。

克庫車。沙雅爾。阿克蘇。烏什。諸城。二十四年。收和
闐。喀什噶爾。葉爾羌。諸城。二酋遁入拔達克山境。
拔達克山歸順。函首以獻。回部平。設總統伊犁等
處將軍。參贊大臣。辦事大臣。領隊大臣。章京糧員
同知。及滿漢營官以經理之。以準部之烏魯木齊
建為迪化州。分屬甘肅省。其準回二部之恭誠投
順者。封爵世襲有差。設分理回務諸扎薩克伯克
以統理其衆。分境鈐轄。盡如內地焉。初土爾扈特
部與策妄不睦。竄歸俄羅斯。乾隆三十六年。其汗
渥巴錫台吉舍校等。向風慕化。率其衆三萬餘戶。

與和碩特部。沙畢納爾部。越萬有餘里來歸。

高宗純皇帝覃恩賜爵。授以廩餼。給以牧地。居其部衆於

伊犁。烏魯木齊。喀喇沙爾。塔爾巴哈台諸境。於是

元裔四衛拉特之衆。盡入版圖。朝貢賦稅。各率厥

職。其藩屬之投誠歸順者。有左右哈薩克。東西布

魯特。霍罕。安集延。瑪爾噶朗。那木干。塔什罕。拔達

克山。博洛爾。布哈爾。愛烏罕。痕都斯坦。巴勒提。諸

部。自西域底定。並歲時朝貢唯謹焉。諸部並見新疆藩部。

高宗純皇帝聖製平定準噶爾告成太學碑文

曰。遠矣。山戎薰粥。海表毳幕之人。界以龍沙。畜其

驛奚。雖無恆業。厥有分部。蓋自元黃剖判。萬物芸

生。東夷西夷。各依其地。謬舉淳維。未為理據。皇古

莫紀其見之書史者。自周宣太原之伐。秦攻二海之築。莫不畏其侵軼。猾夏是虞。自時厥後。一不發之君。慨然思挫其鋒。而納之宥。然事不中機。材不副用。加以地遠無定處。故嘗勞衆費財。十損一得。搢紳之儒守和親。介冑之士言征伐。征伐則民力竭。和親則國威喪。於是守有四夷。羈縻不絕。地不可耕。民不可臣。之言興矣。然此以論漢唐宋明之中夏。而非謂我皇清之中夏也。皇清荷天之寵。從征狩。執役惟謹。準噶爾厄魯特者。本有元朝之臣僕。叛出據西海。終明世為邊患。至噶爾丹而稍強。吞噬鄰蕃。闌入北塞。我皇祖三臨朔漠。用大破其師。元惡伏冥誅。脅從遠遯跡。毋俾遺種於我喀爾喀。厥姪策妄阿拉布坦。收其遺孽。僅保伊犁。故嘗索俘取地。無敢不共。逮夫部落滋聚。乃以計襲哈密。入西藏。準夷之勢。於是而復張。噶爾丹兩朝命將問罪。雖屢獲捷。而庚戌之役。逆子里坤。擣營於科卜多。於是而準夷之勢大張。然地既險遠。主客異焉。此勞往而無利。彼亦如之。故額

爾德尼招之敗。彼亦不可以彼貪利而深入也。皇考謂我武既揚。不可以既允其請和。以息我衆。予小子敬奉先志。無越思焉。既而噶爾丹策凌死。子策妄多爾濟那木札爾暴殘。喇嘛達爾札篡奪之。達瓦齊又篡奪喇嘛達爾札。而酗酒虐下尤甚焉。於西冬都爾伯特台吉睦爾撒納和碩特人來歸。越明年秋。輝特台吉阿睦爾撒納。不撫而撫之。莫若因其地其俗而善循之。且毋令滋方來之患於我喀爾喀也。於是議進兩路之師。問彼罪魁。安我新附。凡運餉籌駁。長行利戰之事。悉備。議之始。熟經於庚戌之艱者。咸懼蹈轍。惟大學士忠勇公傅恒見與朕同。而新附諸台吉則求之甚力。朕謂犁庭掃穴。即不敢必。然喀爾喀之地。必不可以久居。若而人。毋寧用其鋒而觀厥成。即不如志。亦非所悔也。故凡禍旗命將之典。槩未舉行。亦云偏師嘗試為之耳。塞上用兵。必以秋而阿睦爾撒納禍木特請以春月欲乘彼馬未肥。則不能避。朕謂其言良。當遂從之。北路以二月丙辰西路以二月己巳各啓行。哈密瀚海向無雨。今春

乃大雨。咸以為時雨之師。入賊境。凡所過之。鄂拓克。攜羊酒。糗糧。迎恐後。五月乙亥。至伊犁。亦如之。達瓦齊。於格登山麓。結營以待。兵近萬。我兩將軍議。以兵取。則傷彼必衆。彼衆皆我衆。多傷。非所以體上慈也。丁亥。遣阿玉錫等二十五人。夜斫營。覘賊向。賊兵大潰。相蹂躪死者。不可勝數。來降者七千餘。我二十五人。無一人受傷者。達瓦齊以百餘騎竄。六月庚戌。回人阿奇木霍集斯。伯克執達瓦齊來獻軍門。準噶爾平。是役也。定議不過二人。事不過一年。兵行不過五月。無亡矢遺鏃之費。大勲以集。退壤以定。豈人力哉。天也。然天垂祐而授之。事機設。不奉行之。以致坐失者多矣。可與樂成。不可與謀始。亦謂蚩蚩之衆云爾。豈其卿大夫之謂。既克集事。則又曰。苟知其易。將勤為之。夫明於事後者。必將昧於幾先。朕用是寒心。且準噶爾一小部落耳。一二有能為之長。而其樹也。固焉。一暴失德之長。而其亡也。忽焉。朕用是知懼。武成而勒碑文廟。例也。禮臣以為請。故據實事書之。其辭曰。茫茫伊犁。大幹之西。匪今伊昔。化外羈縻。條支之東。大宛以南。隨畜獵獸。蟻聚狼